

Cionnas mhairfeas mé am aonur?

[A. Macbain and Rev. J. Kennedy (eds), *Reliquiae Celticae I* (Inverness, 1892), pp. 129-32]

Catholus mac Muriche .cct.

1 Cionnas mhaireas me am aonur
gan fhear ruin dom rothaobh
ag ar ghnath diamhair dana
d'iarruidh a ttrath togbhala.

2 Misde me go mairim buan
d'eis shaoith na bfocal bfionnuar
gan fher d'foghluim mo leabhair
fedh an ghormfhuinn Ghaoidhealidh.

3 Bheith beo as decrach dhamhsa
snach mair m'aithghin agamsa
olc an mharthuinn budh(d)-ein d'fior
sgarthain re ceill sre caidreabh.

4 Do curedh as cionn a ccionn
aois dana oirir Eirionn
budh henar dhuinn na ndeghuidh
gan legh' ngluin nginealidh.

5 Siad ar n-eg uatha uile
filedh chloinne ar gcolume [gColui-ne?]
gan fher labhra lorg duaine
borb an damhna diombhuaidhe.

6 A mesg mhiledh chloinne Chuinn
geadh iad lemsa as luchd comuinn
meisi na ttigh ni thedhma
gan seise fir ealadhna.

7 Dursan leam is me da mhes
nach mair suas don ord eigis
dual fesda a dhul a dochar
cur ceasda na comhfhocuil.

8 Mairg do fuair eolus orra
aos aithenta ar bfoghlama
feithemh na ndeoigh as decra
gan breithemh eoil n-oidechta.

9 Rugadh dhiom ni dail chabhra
mo leithen uird ealadhna
cread nach baodhal ba-dhesd dhamh

am aonar a mesg miladh.

10 Eoin mac Briain na mbriathar gciuin
d'eg uainne a n-iathuibh ainiuil
fa ghloir ghallbhan na ghoire
mar an t-adhbhur eolcuire.

11 Gan fher lenamhna laimh ris
dhuinne ba damhna doilghis
fer bhudh saoire ag snoidhe rann
croidhe bhudh caoine comann.

12 D'eis na gliarsa do chuaidh dhinn
me anois ionnamhuil Oisín
gan sbeis gan treighe toile
d'eis na feinne Fiannuidhe.

13 Anois da ttegmadh dhamhsa
triall le toil on tsaoghallsa
gan fher cuimhnighthe oirn ann
doirbh na cuibhrithe ar comann.

14 Gan neach d'innleadh ma marbhna
agam dom fuil atharrdha
d'eis Eoin nar mheall a mheabhair
bhudh cenn eoil ar oidedhuibh.

15 Don ord eigis nochan fhuil
nech re ccuirim ceisd focuil
a ccertus no a luas laoidhe
no chlehdus cruas comaoine.

16 Gan slech' d'onoir Gaoidheal
an ord eigis d'ursgaoileadh
a cclu gan chor a n-egar
da gclu sgel do sguireadh. [sguireadar?]

17 Gan neach re cuimhne a gceimenn
do riomh chreach no caithrem(h)enn
gan snas ar fiorbhun a bhfis
glas ar an gníomhradh d'aithris.

18 Doibhsion as damhna docra
gan fher maoiththe a mordocho[a]
gníomh a sledh no a gcolg ccadar (?)
ar lorg treabh o ttangadur.

19 Beid a maithe fa mhela
do dhíoth lochda a leisgela
sa n-uaisle budh-dhecht fa bhroid

cert san uairsi ni fhagbhuid.

20 Guais doibh a ttra[t]h a ttionoil
go mbid aicme Eireamhoinn
la an oil gan fhocal bhfilidh
na dhocar dhaibh dligfidher.

21 Luchd cuimhnighthe a cceimenn cruaidh
sd'ardachadh reimhe a rioghsauigh
tugsad bann ar n-eludh as
sni glelan ann a n-eolus.

22 Nar chlehdadar cru Cholla
gan aos eoluis etorra
gus an uairsi d'ior a ndal
an uaisle ag sniomh ar seachran.

23 Da ttegmadh do chloinn Raghnuill
nar chuir druim re degfhoghlum
bheith ro dorcha do choir chaigh
mor an comhartha c[l]aochlaidh.

24 Leigmid dhinn a nderna me
mithid cuimhne ar Mac Muire
steachd ar pennuid Dhé dhealbhnair
gabhmuid e mur eisiomlair.

25 An Ri do cuireadh san ccrann
as leis do hairgeadh ifreann
tug uainne an te do thoghas
os e as buaine bunadhas.

26 Eoin mac Briain do bhi na bhrugh
eidir ainglibh da iomchur
sa eg le labhradh leisa
cread acht adhbhar aoibhneasa.

27 Mar tha thuas ar nimh neamhdha
ar luchd tighe an tighearna
mairidh beo choidhche gan cuing
achd ceo ge fhoilche oruinn.

28 Coireade dhuinn denamh air
dun an Duilimh mur dhleghair
neach thall on toigh nach tillfe
snach fhoil ann acht imirc[i]. Cio-nnus